



SYNOD Newsletter

Volume XXVI

No. 348

E-mail : synodnews@gmail.com

SEPTEMBER, 2012

MPF LEH POLITICAL PARTY HRANG HRANGTEN THAWHHONA THUTHLUNG AN PAWM

Mizoram People Forum (MPF) leh Mizorama Political Party hrang hrang aiawhte chu August 22, 2012 khan Synod Office Committee Room No. 1-ah thu khawmin kum 2013-a Mizoram Legislative Assembly inthlanpui lo awm tura thawhhona tur thuthlung, July 31, 2012-a an duan ho, MPF Office lamin a lo chul mam chu an thli ho leh a, siam that ngai laite siam thain an pawm. Meeting hi MPF Chairman, Synod Moderator ni baw Rev. Thangzauvan a kaihrui a, Political Party hrang hrang – Indian National Congress (INC), Mizo National Front (MNF), Mizo Peoples' Conference (MPC), Zoram Nationalist Party (ZNP) aiawh pathum theuh leh Bharatya Janata Party (BJP) aiawh mi pahni an kal thei a, Mizo People Forum (MPF) aiawhte, an Chairman Rev. Thangzauva leh General Secretary Upa Lalramthanga hovin mi 10 an tel thei baw. He 'Thawhhona Thuthlung' siamah hian Party tin President-te leh MPF hotuten an hming an ziah hnan leh tawh a ni.

THAWHHONA THUTHLUNG

Mizoram chhunga Inthlanna hrang hrang heng - Mizoram Legislative Assembly General Election 2008, MPElection 2009, Village Council Election 2009 & 2012, Aizawl Local Council Election 2012, Aizawl Municipal Council Election 2010 leh Autonomous District Council Elections-ah te hlawhtling takin 'Thawhhona Thuthlung' siama, Mizoram chhunga political party hrang hrang leh Mizoram People Forum-te hmalakna chuan rah tha a chhuah zel a. Kan inthlanna pawh a tha thawkhatin, ram chhung leh ram pawn lam thlengin mite hriat leh ngaihven a hlawh ta hle a. Hei hi kan zavaia tan tlanna leh thawhhona rah a ni.

Kum 2013-a Mizoram Legislative Assembly General Election lo awm turah pawh hian inthlanna thianglim, dik leh felfai tak a awm ngei theihna tur leh sawrkâr tha, thlei bik nei lo, mipui huapzo din a nih ngei theihna turin Mizoram People Forum General Headquarters hruaitute leh Political Party hrang hrang hotute chuan tan lak ho dan tur kan ngaihtuah a. A hnuaia inkaihhraina tlanguipui tar lante hi zawm theuh tha kan ti. Hei hian MLA General Election 2013 Inthlan hun puan atanga Inthlan zawh fel thlang a huam ang.

1. Inthlan chungchâng

- (1) Inthlanna thianglim, dik leh felfai tak a awm ngei theihna turin mi tinin theihtawp chhuah theuh ni se.
- (2) Inthlanah hian khua leh tui dik tak, vote neite chuan vote thlak theuh ni se.
- (3) Vote thlak tur khawpui atanga anmahni khaw lama an hawna tur ngaihtuhsak emaw, hmun dang atanga anmahni vote awmna lama an kalna tur ngaihtuaha, insengsova buaipui emaw hi tu mahin tih loh ni se.

2. Inthlan senso chungchâng

(1) Inthlan hautak lutuk leh senso sang lutuk titem turin theihtawp chhuah theuh ni se. Candidate-te leh party-te hnena pawisa dil emaw, dawn emaw khap tlai a ni.

(2) House to House Campaign hi thil dik lo tam tak inphum ruk theihna leh senso titamtu a nih theih avangin tih loh hi a tha ber a; amaherawhchu, mipuiten candidate-te an hmuh duh thin avangin inthlan hma ni 10 thlang chuan House to House Campaign Programme siam theih a ni ang a; chumi hnu lamah erawh chuan tu mahin tih loh ni se.

(3) Sum leh therhlo dang hmanga vote lei leh hralh hi tih loh ni se. Mipui, pawl hrang hrang leh Kohhrante pawhin party leh candidate-te hnenah thil phut neih tur a ni lo. Chutih rualin thil chi hrang hrang sem, (entir nan- silpouline, jersey, football, mobile handset, sawrk development kal lai leh NLUP leh thil dangte) hi tih loh ni baw se.

(4) Kawng zawh hi inthlan hma ni 10 hnu lamah chuan tih loh ni se, ruaitheh leh picnic hi tih loh ni baw se. Ruaitheh tih hian mikhuah chaw eipui te, Block leh Unit hruaituten tul bik thila chaw an ei khawm thin angte hi a huam lo vang. Candidate-te rulh tura anmahni hriat lohva dawr leh hmun dang atanga thil lo lak leh pekte hi tih loh tur a ni.

(5) Candidate-te tana inthlan tihautaktu, heng - banner, flag leh poster-te hi veng tina tar zat tur hetiang hian bithliah a ni :-

- ✚ VC / LC member pasarih nei chinah: Banner - 3, Flag - 30 leh Poster - 20 thlang
- ✚ VC / LC member panga nei chinah: Banner - 3, Flag - 20 leh Poster - 15 thlang
- ✚ VC / LC member pathum nei chinah: Banner - 3, Flag - 10 leh Poster - 10 thlang
- ✚ Banner hi 18' x 4' aia lian lo ni se. Poster hi 2' x 11/2' aia lian lo ni se.
- ✚ Party symbol chuang lukhum, badge leh sticker te hi campaign na hmanruaah hman loh ni se.
- ✚ Flag, Banner leh Poster bituk aia tam tar an awm chuan MPF-in la thla turin hrih se.

3. Zalen taka inthlan leh venhimna chungchâng

- (1) Invau leh inrikrap awm lo turin theihtawp chhuah theuh ni se.
- (2) Helte hmanruaah hman leh ralthuam chelekna awm thei te huai taka dodal theuh ni se.
- (3) Border leh sensitive area-ah te a tul leh mamawh anga venhimna a awm theih nan hmalak ni se.

4. Policy implementation

- (1) A tak ram thlang thei tur leh tihhlawhtlin theih tur chauh - manifesto, policy leh programme duan ni se.

Phek 2-na thluh laitaah chhunzawm a ni

SYNOD Newsletter

EDITORIAL STAFF

Rev. K. Lalpiangthara (LPT)
Rev. B. Lalngkhakliana (BLNG)
Upa H. Ronghaka (HR)
Upa C.H. Thangkhuma (CTK)

Editorial

INTODELH TURIN RINAWMNA

Mi danga innghat lova mahni thawh chhuah ringa khawsa theite hi intodelh kan tihte chu an ni a. Intodelh tura pawimawh em em chu rinawmna hi a ni a. Taima viauin sum la lut t̃euh t̃euh mah ila, rinawmna tel lo chuan eng mah awmzia a nei lo. Rinawmna tel lo chuan mihring nunin ngaihno a bei tak tak thei ngai lo a ni.

Kan hriat angin sawrkar pawhin chhungkaw intodelh lote kan intodelh theihna turin hma a la t̃hin a. Tanpuina lo kal t̃hinte pawh hi kan hmuh chhan ang taka kan hman a pawimawh a. Dik tak leh rinawm taka a nihna tura hman a nih chuan intodelhna rahbi pawimawh tak a ni dawn a ni. Thawk lo thawk anga insawi te, dik lo taka inziahsak te leh thawk ve lovin a thawkte hmuh tura chan lo neih ve ph̃et tumna ang chite hi a tenawm a, intodelhna kawng daltu a ni.

Intodelh lohna hmun leh ram apiangah ruk ruk leh inrawk a tam a, helna chi hrang hrang pawh a chhuah tam t̃hin tl̃angpui. Kan ram hi ram nuam leh ralmuanga siam turin intodelh kan mamawh a. Kan intodelh chuan Pathian leh a kohhran tan pawh rah tam tak kan chhuah theih phah dawn a ni. Ringlote an lo rinawm lo a nih pawhin keini Kristiante chu intodelh tura hma kan lakna ah hian i rinawm tlat ang u.

HRIATTIRNA

Presbyterian Church of India General Assembly Office atanga ngenna dawn bawhzuiin Mizoram Presbyterian Kohhran Synod Officers' Meeting (OM) chuan October 2, 2012, hnam pum huap t̃awngt̃ai ni (National Day of Prayer) chu Kohhran, a hman thei apiangin mahni remchan angin hman ni se, tiin a rel a. He niah hian ram leh hnam tan Pathian hnenah t̃awngt̃ai tur a ni e.



(UPA D.P. BIAKKHUMA)
Secretary

Mizoram Presbyterian Church Synod

Phek 1-naa mi zawmna..

(2) Mi mal chungch̃ang leh tualchhung thil chauh ni lovin, party policy leh programme hi campaign-na leh inzawrhna at̃an hman ni se. D̃awt leh thu belhchian d̃awl lo leh finfiah ng̃h̃al mai theih loh hmanga inbeih hi tu ma' n tih loh ni se.

5. Candidate chungch̃ang

Political party tinin candidate an siam lainn hetiang mi hi candidate at̃an ruat tura beisei an ni:

- (1) Mi hmingt̃ha, mize nghet leh rilru puitling.
- (2) Mi taima leh rinawm.
- (3) Dik lo leh kut tling lova sum leh thil dang hmuh tum lo mi.
- (4) Zu leh ruihtheih thil dang laka fihlim
- (5) Mipat hmeichh̃iatna kawnga sawisel kai lo.
- (6) Ram leh hnam Dân pawisa mi leh dikna ngais̃ang mi.
- (7) Khawtl̃ang leh mahni mihring puite t̃hatna tur duha, chumi at̃ana inhmang peih mi.
- (8) Mahni sakhua, kohhran leh p̃awla mi hmingt̃ha leh rinawm.

6. Thawhhona chungch̃ang

- (1) Constituency huam chhung khaw lian deuh deuhvah MPF leh candidate-te remruatna angin, MPF Constituency Forum kaihhr̃uaina hnuaiah Joint Platform buatsaih theih a ni ang a, chhung t̃inten candidate an lo hmelhriat theih ñan leh an thu leh hla an lo dawnsawn t̃euh theih ñan, a theih leh remch̃an dân angin, he programme hi Local TV leh Media-ahte pek chhuah ni se. Joint Platform hi p̃awl dang leh mi dangin buatsaih loh ni se.
 - (2) Party malin a hranpaa public meeting neih an duh a nih pawhin MPF kaihhr̃uaina hnuaiah ni thei se. MPF awm lohnaah chuan party malin a remch̃an dân anga kalpui mai ni se.
 - (3) Vantl̃ang t̃ana thingpui lum loh ni se; polling booth area bul hñaia electoral roll en leh number pek chhuah hi political party-ten a mala buaipui lovin, MPF kaihhr̃uaiñan, f̃imkhur taka buaipui ni se.
- #### 7. Tl̃angkawmna
- (1) A chunga 'Thawhhona Thuthlung' t̃ar lan piah lamah hian MPF District, Constituency leh Local Forum ten ruahmanna hran siam loh ni se.
 - (2) Heng 'Thawhhona Thuthlung' hi bawhch̃hia an lo awma, finfiah ngei a nih chuan, MPF-in a theih leh remch̃an dân angin an bawhch̃h̃iatna constituency huam chhungah a puangz̃ar ang.
 - (3) He 'Thawhhona Thuthlung' hi MPF leh political party tinin a zau thei ang berin theh darh ni se.

NUN DAN

FAI KAN TLIN TAWH EM?

Aizawl Theological College hian tuifinriat ral at̃anga tlawhtu a nei fo mai a; vawi khat chu mingo nupa hian an rawn tlawh a, an ch̃am rei theih deuh dawn avangin hmun danga han hawi khawthawnpui t̃hain an hria a, Reiek tlangah an kalpui a. Chumite chuan Reiek tlang chu nuam an tiin Mizoram awm dan chu mawi an ti em em mai a. An haw kawngah chuan kea kal thlak an duh ta tlat mai a; chutah tak chuan a hr̃uaitute thaw a sa ta a ni. An hah vanga thawsa an ni lo va, an mikhualte chet dan chuan an awm a tinuam lo a ni!

Tuifinriat r̃âl at̃anga lo kalte chuan bawhlhlawh b̃awm (bag) hi an lo keng chu lo niin kawnga bawhlhlawh an hmuh apiang chu an b̃awmah chuan an khung zel a, anni ngaiha bawhlhlawh ngaih̃mawhawm tak, keini' n kan lo ngaimawh lem loh lah chu a tam em em ringawt mai a. Thil ei tur funna k̃awr reng reng hi a chhunga mi ei zawh chuan a b̃awm chu duh duhnaa paih thĩang emaw kan lo la ti si. Chu tak chuan an mikhualte rilru a tihrehawm a, "In ram mawi mawi nen, bawhlhlawh ngaih̃mawh nachang in hre lo a nih hi aw," an ti an ti mai a ni âwm e.

Faina lama hmalatu Sanitation Department hian fai inzirtirna turin au hla (*slogan*) t̃ha tak an chher chhuak a, chu chu, "Fai i tlin e - Bawhlhlawh a b̃awma paih mai a ni," tih a ni. Vanneithlak takin khawpuiah chuan mahni veng t̃euhva bawhlhlawh thehthang dan tur sawrkarin a ruahman a, hun bi dik takah motor-in bawhlhlawh khawn k̃awm a ni a; heti chunga kan la fai theih loh fo chuan tu mah mawhp̃uh theih an ni tawh lo. Kan rilru lamah fai kan la tlin lo a ni mai. Kan kawl reng duh tawh loh thil tawh phawt chu a t̃e emaw, a lian emaw, bawhlhlawh b̃awma paih zel tura kan ngaih tlat hun hunah kan fai ve mai dawn a lo ni. Fai kan tlin tawh em? (HR)

BEIHRUAL DANGLAM

Mizoram Presbyterian Kohhranin kum 1918 at̃anga a lo hman t̃hin Beihruah chu September thla hian Kohhran tinin an hman a; kuminah hian kum danga la tih ngai loh 'Feh Chhuah' hun hman tura ruahman a nih angin Kohhran feh chhuah, K̃TP feh chhuah leh Kohhran Hmeichhe feh chhuah hunte hman a ni a; Kohhran tam zawkah chuan Biak In inkhawma tel tam thei lo deuh tlawh chhuah an ni a, a hlimawm danglam hle. Beihruah thla chhunga Camping, Crusade leh Campaign buatsaih pawh Kohhran t̃hah̃nem tak an awm bawk.

NEICC T̃AWNGT̃AI RUAL NI

Nilai leh Beihruah Thupui Bu 2012 phek xxxvii-a NEICC T̃awngt̃ai Rual Ni, October 28 tih chu **OCTOBER 21** tih tur a ni zawk a, Synod Calendar 2012 ami hi rin tur a ni e.



Mite chuan a tlai a tlaiin ennawm an en zawhah chuan Râl Vêngtu awmna lam an pan a. An va thlen chuan Râl Vêngtu hnenah chuan an mit leh an beng a tlai thu an hrilhfak a. An thu sawi a tang chuan Râl Vêngtu chuan an hnena thuchah sawi tur a dawng ta a, heti hian a sawi ta a –

“Ka râl venbûk a tanga ngun taka khaw lam ka thlir hian, huau huau leh tih hut hut te, eng eng emaw hawn leh lawm apui a tam ta hle mai a. A nei deuhte hnena kut dawh kual in hmuh hmangte pawhin ualau takin ruai in theh ngamin huau huau eng eng emaw inbuatsaih ngam ta zel a. Hei hi ram tlukchhiatna bul a ni tih hre reng rawh u. Thawh chhuah awm mang si lo, chhungte leh tute thawh chhuahsa emaw hmanga mit leh beng tihtlai tum ve ngawt te hi Kristianna nen pawh a inhmeh lo. Thawh tam leh hman tlem te, thawh tam leh tawng tlemte hi lo zir ula a tha ang e,” tiin thuchah nung tak a sawi a. Mite chuan a bua siam tlak hial nia hriain iptepui puar nawlhin an ak hawng ta a.

SYNOD BU 2011 LAM THEIH

Synod Inkhawmpui thurel te, Department hrang hrang rawngbawlina chanchin report te, Synod sum dinhmun leh budget te, Bial leh Kohhran hrang hrang Thawhlawm thawh dan te chuanna, ‘SYNOD BU 2011’ chu a lo chhuak ta a. Kohhran copy bakah Minister/Pastor leh Kohhran Udate copy tur Synod Office a tangin lam theih a ni leh ta e.

HRIATTIRNA

Kum dang ang bawkin a hnuaia hun leh hmun tarlan ang hian Pastor/Pro Pastor nupuite intawh khawm leh tur a ni a. Mi mal hnenah hriattirna thawn chhuah a nih dawn loh avangin hei hi hriattirnaah ngaih tur a ni.

A hun : Dt. 24.10.12 (Nilaini)
Dar 10 am - 3pm
A hmun: Synod Conference Centre

CHAWHMA HUN

Hruaitu : Pi R.Lalnunmawii
w/o Rev. Thangzauva,
Synod Moderator
Tantu : Pi Thangseii
w/o Rev. Lalchama,
Durtlang Leitan
Thupui : **Pastor chhungkaw**
Thlarau lam nun
(Lk. 10: 41-42)
Sawitu : Pastor Lalsangbera

CHAWHNU HUN

Hruaitu : Pi Lalrinpuui
w/o Rev. Zosangliana Colney
Solo : Pi Zaichhungi
w/o Pastor G.Chhunthuama
Thusawitu : Dr. Ruth Lalmuanpuui
w/o Rev. K.Lallawmzuala,
ATC
Solo : Pi Lalruotmawi
w/o Pastor Rammawipuaia,
Champhai Kahrawt
Thusawitu : Dr. Lalremmawii
w/o Pastor F.Lalchhuanmawia,
Lunglei Chandmariy

Sd/- Thanzami Sd/- R. Lalnunmawii
w/o Rev. Vanlalzuata w/o Rev. Thangzauva

SYNOD HOSPITAL, DURTLANG JULY, 2012 CHHUNGA THILPEK DAWNTE

I. CHARITY FUND (In Rupees)	
1. KTP, Chawngtlai Bial	2,000/-
2. MHIP, Electric Veng Branch	3,500/-
3. Pu Ngurthansanga Sailo te nupa, Mamit	1,000/-
4. Pu Hualhnuna, Sihphir Vengthar	1,000/-
5. Thangtea, Australia	3,000/-
6. Pu Lalchhandama Colney, Chaltlang Lily Veng, Aizawl	3,000/-
7. Dr. K. Lalremmawia, Synod Hospital Campus	2,000/-
8. Pu S. Lalrintluanga, Serchhip Tuikhua Veng	500/-
9. Pu C. Lalbiakchhunga, Bülfezwawl	500/-
10. Thingdawl Pastor Bial	10,000/-
11. Mualcheng Presbyterian Kohhran	1,000/-
TOTAL	27,500/-

II. THISEN PETE		UNIT PEK ZAT	
1. Public Higher Secondary School, Ramhlun Venglai	50	Units	
2. KTP, Baktawng Bial	76	Units	
3. KTP, Chanmari Branch, Aizawl	83	Units	
4. Bethlehem Kohhran, Aizawl	120	Units	
5. KTP, Model Veng Branch, Aizawl	43	Units	
6. Dawrpui Vengthar Branch, Aizawl	38	Units	
7. YMA, Thakthing Branch, Aizawl	56	Units	
TOTAL	466	Units	

III THIL DANG PETE

1. KTP, Hliappui Bial – Thutthleng (Bench) 6
2. Petu hriat loh – GOT-a hman tur UPS lei nan Rs. 25,000/-
3. Bezalel Steel Works, Electric Veng – Wheelbarrow 1
4. Upa Prof. Lalkima, Zarkawt, Aizawl – Rs. 11,050/-
5. Dr. Malsawma, Chaltlang, Aizawl – Floor Fan 1
6. Territorial Headquarters, Indian Eastern Territory, The Salvation Army – Mi 17-in Hospital tana tawngtai sakna.
7. Chhingchhip Venghlun Presbyterian Kohhran Hmeichhia – Hmunphiah 56
8. Pi Malsawmtluangi te nupa, Electric Veng, Aizawl – Torch Light 1
9. Bawngkawn Chhim Veng Presbyterian Kohhran Hmeichhia – Nau puan 102

Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah Isua Krista hmingin lawmthu kan sawi tak meuh meuh a ni e.

(Dr. LALREMTANGA)
Director
Synod Hospital

SYNOD MODERATOR-IN BANGALORE A TLAWH

Mizoram Presbyterian Kohhran Synod Moderator, Rev. Thangzauva chuan August 24-26, 2012 khan Bangalore khawpuia Mizo Presbyterian Kohhran a tlawh a; Pu Saidinga, Mission Promoter-in a tawiawm a; Patna, Delhi leh Kolkata Mission Field-te an tlawh nghal a. Moderator hi Assam-a Muslim leh Bodo hnam inkara buaina chhuakin India chhim lama India hmarchhak mite a tihraltit avangin heng hmuna Mizote dinhmun hre Chiang tura kal a ni bawk. Moderator hian a lo hawn hnua a zuk tlawh Bangalore Mizo Presbyterian Kohhran leh Mizoram pawna Mizo awmte chungchang hetiang hian a sawi -

“India ram khawpui hrang hranga zirlaite ngaisak dan kawng zawnga kum 2007 Synod Inkhawmpui thu kal zelah beisei piaha lamah, naute pian kim leh fel tak zai chhuah ang maiin tuarna leh sawi chhiatna karah Bangalore Mizo Presbyterian Kohhran

chu November 6, 2011 khan a lo piang hlauw mai a. Vengtu leh enkawltu nei lo ang maia thalai leh Kohhran mi tam tak awm thinte chu fel taka enkawl zui an nih theih nan 2011 Synod Inkhawmpui thurel 69-na chuan a enkawltu tur Pastor (Ordained Minister) pek a remti a. Synod thu bawhzuitu Synod Executive Committee chuan Rev. Vanlalnunmawia Zawngte chu a dah ta a.

“Kohhran lo chuan a tih harsa leh remchang lo - Baptisma chantir te, Lalpa Zanriah Sakramen pek te, innehtir te, thunun, Kohhran dan chhunga lak luh leh lawm luhte chu tih a lo ni thei ta a. Kohhran chhungkua leh zirlai leh hna thawk, hmun hrang hranga awm zawn chhuaha tlawh chhuah an lo ni ta te hi rawngbawlina ropui tak, Kohhran lo ding chauhvin a hrin chhuah leh tih theih a ni.

“Tin, zirlai lehkhah thiam tak tak, nakin lawka kan rama sawrkar hna thawk officer lian

tak tak leh khawtlang hruaitu tangkai tak ni mai tur, thenkhat pheih chu ram hruaitu hial pawh la ni tur, Kohhran nun leh kalphung hre lova awm mai mai turte chu anmahni awmna hmun ngeia a taka changtu an lo ni ta mai te hi kan ram leh khawtlang, Kohhran leh anmahni tan ngei pawh a vannneithlakina a hlu em em a ni. Bangalore Mizo Presbyterian Kohhran din tirha mi 86 chauh inkhawm kha tunah chuan mi 250 - 300 lai an inkhawm ta fo mai. February 2011-ah KTP dingin Kohhran Hmeichhia pawh August 26, 2012 khan a lo ding ve leh ta a, an pung chak hle. Mizoram a tanga zuk awmte leh India hmarchhak ram dang a tanga Mizo hnahtlak dangte pawhin he Kohhran hi an bel ve zel a, a lawmawm khawp mai. Chuvangin Mizoram leh India hmarchhak a tanga Bangalore leh a chheh vela lehkhah zir leh awm zawng zawngte chuan Bangalore leh hmun danga kan Kohhran awmte hi kan lawina tur Beram huang a ni tih hriain i bel tlat ang u. Tin, Mizoram a tanga lehkhah zir tur leh hna thawka an tu leh fate tirtu nu leh pa zawng zawngte pawhin Kohhran hi an awmna apiangah bel turin i hrilh zel ang u.”



LUNGDAI HMAR VENG KOHHRAN chuan July 21 - Aug. 12, 2012 chhung khan Pu Lalsanglura Ralte (Sons of God Ministry) Speaker-a hmangin Camping chhawng li leh Naupang Lâng Camp an buatsaih a, campers 493 an lut. Mi inpe te ran thawh khawm leh pawisa thawh khawm atangin sual hnehna ruai hlim takin an kil ho. Biak In thleng ngai tawh lote pawhin siamtharlehna changin Thlarau Thianghlim hnathawh avanga harhna ropui tak Kohhran hovah a thleng a, Kohhranhoten an hlawkpui hle.

SIALSUK KOHHRAN chuan July 27 - Aug. 19, 2012 chhung khan Gospel Peniel Team Speaker Pu R. Lalanchhuah ruaiin Gospel Camping chhawng thum an buatsaih a. Campers 451 an lut a, Chhandamna leh siamtharlehna chang vekin an chhuak a. Kohhran pawl dang atang pawhin eng emaw zat an lo lut baw. Biak In thleng ngai tawh loten inkhawm nuam an ti thar a, Kohhran boruak a nuam hle.

KAWLKULH KOHHRAN chuan July 30 - Aug. 12, 2012 chhung khan Ebenezer Revival Team (Speaker, Pu Lalsangzuala Ngente) ruaiin Revival Camping chhawng hnih an buatsaih a, Campers 409 an lut. Campers zingah hian Kohhran pawl dang mi 18 lai an lo lut baw. Camping pangngai bâkah hian Naupang Lâng Camp buatsaih a ni baw. Kohhrana mi hla leh ruihtheih thilin a tihbui tawh mi tam tak an lo lut a, siamtharlehna an chang tha hle baw. Team Speaker leh member-te hi Kohhran tan an inpumpek a ni ber a. He camp hi khawtlang boruakin a nawm phah hle a, khawlai boruak pawh a danglam hle. August 15 khan Kohhranin vawh pahni talhin ruai an buatsaih a, Kohhranhoten he rawngbawlna hi an hlawkpui hle.

VAIVAKAWN KOHHRAN COMMITTEE chuan August 11, 2012 khan sualin ruih theih thil hmanga a sawisakte enkawlna hmun, Tawngtai Bethel Camping Centre, Chawnpui Vengthlanga mi tlawhin tanpuina ₹ 20,000/- an hlan. He Centre-ah hian ruih theih thila harsatna tawh, mahnia bansan mai thei si lo, sim duh site enkawl an ni ber a, awm hun chhung chu kum khat a ni. He hmuna awm chilha rawngbawltu, Pu T.T. Zohmingthanga leh a rawngbawlpuite hian sum hmuhna (sum hnâr) nghet nei si lovin he Centre-a lut apiangte chu rinnain an enkawl a, Vaivakawn Kohhranin an tlawh lai hian thawktu 14 chauvin campers 750 an enkawl a, ei rawngbawltu pali thawh rimzia an hmuhin an rawngbawlna ropui an ti hle.

GURGUTI KOHHRAN (Bairabi Bial) chuan August 13 - 19, 2012 chhung khan Lalpa Kohchhuah Team Speaker Upa Zarzoliana ruaiin Crusade an buatsaih a. Kohhrana zirtima dang avanga harsatna awm chu Pathian thu dik leh ziktluak hmanga siam that hna thawh a ni a, Kohhranhote harh tharin an lawm hle.

FALKLAND VENG KOHHRAN chuan August 13 - 29, 2012 chhung khan Jehova Jire Team Speaker Pi PC. Vanlalngaki ruaiin camping chhawng li an buatsaih a, Camping hi Kohhran Committee pual te, Rawngbawltu pual te leh mipui pual chhawng hnih a ni a, Kohhran Committee member te pawh an lut kim thei a, an lawm hle. He Camp atan hian Kohhrana mi inphalten pawisa, buhfai, chawhmeh leh thil chi hrang hrang an thawh khawm nasa hle a. Pathian Thlarau Thianghlim hnathawh pawh a lang nasa hle.

MI 206-IN BAPTISMA AN CHANG

Thutak Nunpuitu Team (TNT), Zuangtuia enkawl mi 206 chu September 9, 2012 (Pathianni) Chawhma khan Synod Moderator Rev. Thangzauvan Pa leh Fapa leh Thlarau Thianghlim hmangin baptisma a chantir. Synod Moderator-in he rawngbawlna hun a va hman lai hian TNT hian mi 1,041 an enkawl mek a, a tam ber chu hnuchham leh nu leh pa enkawltu mumal nei lo an ni. TNT hotute hian an naute chu zirlai an nih avangin a tulnaa hman atan Baptisma Certificate an neih ngei thain an hria a, an Adviser kal tlangin Synod OM-ah he thu hi an thlen a. He hmuna thawktute hian hemi chungchanga tawngtairualna an neih atangin baptisma chang tur chinah thutlukna siamin mi 206 hi baptisma chantir an ni. Hetiang zat wawi khat inkhawma baptisma chantir hi tunlai hunah chuan thil vâng tak a ni âwm e.



ASSAM BUAINA TUARTE TANPUINA

Presbyterian Church of India General Assembly-in an ngen angin tun hnaia Assam state-a buaina tuarte tanpui nan Mizoram Presbyterian Kohhran chuan PCI-ah ₹ 30,000/- a hlan a; chutiang bawkin NEICC-in he buaina tuarte chhawmdawlna tur a rawn ngen angin NEICC-ah ₹ 20,000/- pek remtih a ni baw.

NEICC HRUAITUTE MIZORAMAH

North East India Christian Council (NEICC) hruiute chuan NEICC Tawngtai rual ni, October 21, 2012 denchenin Mizorama Kohhrante an rawn tlawh dawn a. Aizawl khawpui Kohhran pali - Mission Veng, Chanmari, Khatla leh Ramhlun North te, Lunglei khawpui Presbyterian Kohhran pahni - Chanmari leh Venglaiah te thu sawina hun siamsak an ni ang. Presbyterian Kohhran bakah Kohhran pawl dangte pawh an tlawh dawn a ni.

KOHHRAN ENKAWL LEH COUNSELLING ZIRNA

Family Guidance & Counselling Centre (FGCC) bultumin SMTC, Mission Vengthlangah September 5 - 19 (ni 15 chhung) Kohhran enkawl leh harsatna tawkte kawm (Counselling) zirna buatsaih a ni a. He training-a telte hi riah chilh tura beisei an nih angin an riak lut hlawn. Tun tumah hian Bial paruk - Vaivakawn, Chawnpui, Zemabaw, Khatla, Ramhlun Vengthar leh Lungleng I chhung atangin sawm an nih angin Kohhranin a kal tur an ruat a, mi 20 an tel thei a. A hun chhung a reiin an zir ngawrh baw a, a telten an hlawkpui hle.

PRESBYTERY INKHAWMPUI

Presbyterian Kohhran rorelna Inkawmpui pawimawh tak, Presbytery Inkawmpui chu Mizoram Presbyterian Kohhran Synod hnuaia Presbytery hrang hrangah October 11-14, 2012 chhung khian hman a ni dawn. Tunah hian Mizoram Synod hnuaiah Presbytery 47 a awm a, Mizoram chhungah 34 awmin Mizoram pawnah 13 a awm.

SOCIAL FRONT CONSULTATION

August 20 khan Synod Conference Centre-ah Mizoram Synod Social Front bultumin Rangvamual leh Phunchawng zu tam lutuk tihbo dan kawng ngaihtuaha inrawnkhawmna (Consultation) neih a ni. Rev. Lalzuithanga, Executive Secretary i/c Social Front-in a kaihuai a. He hunah hian Rangvamual leh a chheh vel boruak Power Point hmanga thlir ho a ni a.

Dr. Robert S. Halliday, Social Front Coordinator-in Concept Paper a buatsaih a chhiar a, sawi ho zui a ni.

Consultation-ah hian Aizawl khawpui chhung kohhran tin atangin Social Front Committee hruiute kal tura sawm an ni a, mi 323 an kal a, an zinga mi 21-in hma lak dan tur rawtna an sawi a. Kalkhawmte hian hetiang hian rawtna an siam a, chungte chu -

Demand reduction lamah

1. Heng veng pahni, Rangvamual leh Phunchawng veng dinhmun hi survey-a zir chian ni se.
2. Survey result atangin Kohhran tinin tum bik tur insemi hma lak ni se.
3. He hmuna kal thin mahni Kohhran theuha mite lakah tan lak ni se.
4. Counselling/recreation centre hawn ni se.
5. Kohhran tinin tawngtaiin tan la zui ila.

Supply reduction lamah

1. State pawn lam mi heng hmuna awmte chungah hian dan anga hma la turin sawrkar ngen ni se.
2. Kohhran leh tlawmngai pawlte tan ho dan kawng zawn ni se.
3. Zu zuarte hnenah an mamawhna anga Pathian thu hrilh dan tur duan fel ni se.
4. Zu zuarten eizawna kawng dang an neih theih nan kawng zawn ni se.
5. Excise Post siam turin sawrkar ngen ni se. tihte a ni.